

### 0.0.1 devasaddasuttaṃ

1. vuttaṃ hetam bhagavatā. vuttamarahatā'ti me suttaṃ:
2. tayo'me bhikkhave devesu devasaddā niccharanti samayā samayaṃ upādāya. katame tayo?.
3. yasmiṃ bhikkhave samaye ariyasāvako kesamasuṃ ohāretvā kāsāyāni vatthāni accādetvā agārasmā anagāriyaṃ pabbajjāya ceteti. tasmīṃ samaye devesu devasaddo niccharati 'eso ariyasāvako mārena saddhiṃ saṅgāmāya ceteti'ti. ayaṃ bhikkhave paṭhamo devesu devasaddo niccharati samayā samayaṃ upādāya.
4. puna ca paraṃ bhikkhave yasmiṃ samaye ariyasāvako sattannaṃ bodhipakkhiyānaṃ dhammānaṃ bhavanānuyogamanuyutto viharati. tasmīṃ bhikkhave samaye devesu devasaddo niccharati 'eso ariyasāvako mārena saddhiṃ saṅgāmeti'ti. ayaṃ bhikkhave duttiyo devesu devasaddo niccharati samayā samayaṃ upādāya.
5. puna ca paraṃ bhikkhave yasmiṃ samaye ariyasāvako āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññāya sacchikatvā upasampajja viharati. tasmīṃ bhikkhave samaye devesu devasaddo niccharati "eso ariyasāvako

vijitasāṅgāmo tameva saṅgāmasīsaṃ abhivijīya ajjhā-  
vasatī"ti. ayaṃ bhikkhave tatiyo devesu devasaddo  
niccharati samayā samayaṃ upādāya.

6. ime kho bhikkhave tayo devesu devasaddā niccha-  
ranti samayā samayaṃ upādāyā'ti.

7. etamatthaṃ bhagavā avoca. tatthetaṃ iti vuccati:

"disvā vijitasāṅgamaṃ  
sammāsambuddhasāvaṃ,  
devatā'pi namassanti  
mahantaṃ vītasāraḍaṃ.

namo te purisājañña,  
yo tvaṃ dujjayamajjhagā<sup>1</sup>,  
jetvāna maccuno senaṃ  
vimokkhena anāvaram.

iti hetāṃ namassanti  
devatā pattamānaṃ,  
tañhi tassa na passanti  
yena maccuvasaṃ vaje"ti.

8. ayampi attho vutto bhagavatā. iti me sutanti.